

S.104 (4)  
6/17

0-1 b

S. 31

I  
J. Tladie.

C

K31/ 1

K31/1 1/3

pp. 1-3 Jamine of Lete.

*iron  
smelting*

1. Monghali ea ratehang. Tsena ke tse ling tseo ke li fumanang ho motho oa khale khale oa mosali moholo. O bolela hore mehlang ea khale ha naha e sa le mpe batho ba ne ba phela ka ho hlora ho makatsang ka baka la mefere-fere ea lintoa le ea malimo batho ba neng ba e-ja batho ba bang ka baka la tlala hobane ba ne ba lema ka thata ka matsoho ba ne ba lema ka mohoma o kang oo ho hlaoloang ka ona empa oona o le sephara mohoma ona o no o etsoa ka mokhoa ona. Ho bo ho ena le banna ba bang ba neng ba e etsa. Ba ne ba etsa ka mokhoa ona, ba batla lejoe le thata la moralla ba le bese haholo ka mollo ebe ho qhibiliha ntho e kang kulo joale ba ne ba e bokelle joale ha e omella ba bona hore ntho ena e ka etsa marumo le eona mehoma ea ho lema joale ba boele ba e busetse ifo e re ha e qhibiliha ba bone e eba bonolo e lumela ho otloa ka lejoe le thata e sa ohalane joale eaba ba etsa mehoma le marumo ao ba tla tseba le ho loantsa lira ka ona.
2. Hape o re pere e be e le phoofolo e tsajoang haholo o re ha e ne e lla mong a eona le bao a nang le bona e ne e ka khona ba e rapele hore e thole hobane kamehla ha pere e ne e lla joalo ho no ho thoe e tla loana e bolae batho hoba ba ne ba re ho na le ntho e 'ngoe e e utloisitseng bohloko ke ka hoo e llang. O re batho bao ba khale ba ne ba ahile matlo as ba phelang ho ona a le manyenyane haholo hoo motho a neng a kena a khumame ka mangole marulelo a teng a otlala fatse ka lintlha tsa ona o re e le matlo a se nang leseli a le lefifi le makatsang hobane a ne a se na lifenstere e le bothata ba bonesa ka tsotso e beoa holima lengetane la nkho kapa la pitsana e 'ngoe ea letsopa e shoeleng kapa ba tsele mafura ka hara lengetane e be ba akhela leshala le lenyenyane e be le ea hotetsoa ka o

K31 / 1

- tukang e be lea tuka. Mollo ba ne ba o fumana ka mokhoa ona. Ba ne ba ena le lejoenyana le bitsoang lehakoe, ba ena le joang bo bong ba sehlahlana se seng se bitsoang toala se chesoa hanyenyane e be se akheloa ka kotikoting
3. se timile se se na mollo se bolokoa ka teng ha ho besoa ho nkoa lehakoe le tsepenyana e be ho nkoa toala eane e ka kotikoting e be ho otloa lehakoe lena le etse lihlase joale ho tsoeroe kotikoti ena ka letsoho le leng moho le lehakoe lena. Lihlase tsa teng li oele ka hara kotikoti e tletseng toala joale toala ena e be e hotetsoa ke lihlase tsena ha li ntse li oela ka mona, motho a bone feela mosinyana o so o kubella e be joale hoa butsoeloa joale ho ntsos toala ena e hotetseng e be joale hoa besoa. Lipitsana tsa ho pheha ba ne ba pheha ka lipitsa tsa letsopa li bopuo ke basali ho phehoa ka tsona ho khuoa metsi ho tseloa le lebese ho tsona tse ling e le tse kholo-hali tse neng li bitsoa merifi tsa ho ratholela majoala. O re leha ba ne ba lema ka matsoho empa ba ne ba fumana lijo tse ngata. Lijo tsena e le poone le mabele e re ka ha ba ne ba se na mekotla banna ba khale ba loha lintho tsa litonana ka joang bo bitsoang mohlomo ho lohuoa ka mokhoa ona. Ho entsoe lithapo tse ngata
4. joale ntho ena e lohuoa joaleka seroto ho hlajoa ka thupa e entsoeng nale e bitsoang lehlabo eo re e bonang le kajeno ha ho ruleloa matlo a ruleloang ka joang. O re batho ba ne ba phela habohloko hobane mohlomong ba ne ba anela ho lema kapa hona ho loha hoo ha mekotla eo ea Sesotho e neng e bitsoa lisiu hobane mohlomong sera se ne se ee se fihle se qhale batho ka ntoa joale ha banna ba hloloa ke lira hoa balehuoa. Hape o re mekotla ena ea Sesotho e ne e etsoa ka mokhoa o mong haeba ba fihlile

moo mohlomo o leng sio. O re mekotla joale e ne e etsoa ka matlalo a likhomo a suhiloeng ho etsoe mekotla e rokiloeng ha thata e rokiloeng ka lesika la likhomo kapa la liphoofofo tse ling tse kholo. Matlalo as a likhomo ha a suhuoa ho no ho etsoa joala bo bongata, etlare he mantsiboea ka lishoalane ho qaloe mosebetsi oa ho sua ho sua banna le basali le bana as joale ea tlola pina bosiu bo tla sa mokete e le o moholo oa ho suha. Bo sa joalo he li felile likobo tse neng li suhuoa.

end s 104